

# Dinks sprawozduniy s arbajcynio Ferajny Łobycznyj „Szkryfka” za 2012

## I. Pryambuła

Ferajna Łobyczno „Szkryfka” łostała zbajslowalno skiż trzech spůlbajslrzy, kerzi przituplowali to we ukwole ze 1.09.2012 we Mikołowie.

Zakůny, cyle a dziołania Ferajny szkryfniynte sům we Regulaminie Działania Stowarzyszenia Zwykłego „Szkryfka”. Poradzi sie tam snojś nojważniysze cyle arbajcynio Ferajny:

- a) uwszelobecniyń godki šlůnskij we szrajbůnku, interaktiw a mobilnych szkryftach a i we mediach;
- b) průmowaniy wiedzy ło Šlůnsku;
- c) průmowaniy godki šlůnskij a kultůry a i bajslowanio šlůnskich dinksůw;
- d) průmowaniy a formowaniy pozytywnego filowanio na Šlůnsk a Šlůnzokůw;
- e) przichytać a istować nacjůnal a regiůnal šwiadůmość Šlůnzokůw;
- f) spůłarbajcyni ze lokalnymi a regiůnal regiyrami, instytucyjami społėcznymi a inkszymi ferajnami dlo rozwoju Šlůnska.

Pedzane je tyż ło arbajcyniu Ferajny:

- a) bajslowaniy trefůw, prelekcij, wystow, kursůw, kůncertůw, festůw a inkszych fajerůw;
- b) spůłarbajcyniy ze inkszymi perzůnami a instytucyjami, kere majům podane na nosze cyle arbajcynio;
- c) spůmogać dziołania, kere majům:
  - průmować wiedza ło Šlůnsku,
  - průmować godka šlůnsko a kultůra a i bajslowaniy šlůnskich dinksůw,
  - průmować a formować pozytywne filowanie na Šlůnsk a Šlůnzokůw,
  - przichytać a istować nacjůnal a regiůnal šwiadůmość Šlůnzokůw,
  - utrzymywaniy kůntaktůw miyndzy Šlůnzokami, bezmaś wszyndzi kaj sům a miynszkajům;
- d) inksze arbajcyni, kere mo ryalizować statut cyle.

## II. Rýchtyczne arbacyniý Ferajny Łobycznyj „Szkryfka”

Uže pryndzy, niźli Ferajna bůła zbajslowano, bajslyrze mieli fest we zocy Šlůnsk, a wszystko co šlůnske. Niý roz uczestniczyli we roztolicznych dziełaniach, festach a trefach, dejmy na to cykliczne trefy we Muzeum Ślůskim ze Mirkiym Syniawa, warsztaty šlůnskij godki we roztomajtych instytucyjach. 1.09.2012 zbajslowali łuni Ferajna, kero mianowali: „Szkryfka”. Take miano bůło skiż tego, coby łod razu pokozac cyle a zodania Ferajny.

Pyrwy trza pedziec ło plymnym spůłabajcyniu ze regiůnal telewizyjũm SferaTV. Dziynka tymu můmy koždy miesiũnc pokozane nowaźnijsze wydarzyna ze Rudy Šlůnskij, Bytũnio, Radziũnkowa, Piekor Šlůnskich a inkszych sztađũw wele nich, we Wydarzyniach po Šlůnsku na kũniec koźdego miesiũnca. Informacyjo ło spůłabajcynio łostała pokozano na nec zajcie Ferajny i SferaTV.

Efektym tego spůłabajcynio bůło nominowaniý reprzyzntanta Ferajny do rok rocznego prajsu SferaTV: Przyjaciel SferaTV. Statuetka łostała dano na paradnyj gali Obiektywy SferyTV 2012.

Na tyj gali szpecjal gość Marek Plura, udziwiũł wszystkich, kej na ryncce Redahtora Noczylnego słożył podziynka a medal „w dowód uznania dla wraźliwości na szczególne potrzeby społeczne, której efektem są wiadomości przekazywane w języku migowym jak i w języku ślůskim”.

Podziynka Ferajna dostała łostatnio łode Stowarzyszenia Korczak „za udział w imprezie pt. „Europejskie Dni Dziedzictwa 2012”, które odbyły się 15 września 2012”. Ferajna „Szkryfka” bajslowała tam Warsztaty ślůnskij godki.

Ferajna spůłabajciũła tyż ze Lyjym Swaczyna ze Stowarzyszenia Osůb Narodowości Ślůskiej przy cyklu trefũw, kere mianowały sie: „Rajcujymy po noszymu”. Bajslowane bũły łũne, coby pogodać po noszymu, trocha porajcować a pozaglũndać na filmy, kere bũły przewidziane na tyn dziyn.

Bũło tyż informatyn arbacyniý Ferajny. Pyrwy trza pedziec ło šlůnskij tastaturze, kero zrobiũno bůła przy kũnsultacjach ze Mirkiym Syniawa. Je to nakłodka na tastura, dziynka keryj idzie szkryflac szkryfki, kere bũły do dzisio wyforsztelowane a używane do szkryflanio po šlůnsku. Do tego je skuplowany łopis co i jak sie mo robić.

Spũmogi we tymatach šlůnskich a ło Šlůnsku, poradzi sie snojs na nec forum: <http://slunskieforum.eu/>, kere spũmogo Ferajna.

Ci, kerzi sznupiũm za akuratnym dykcjũnorzym ťlũnsko-polskim a polsko-ťlũnskim Ferajna narychtowała jedyn ze nojsrogszych i nojbarzi zabranych ze wszelobecných dykcjũnorzy. Teroźnie idzie go snojś na nec zajcie Ferajny, a rychtowany je interaktyw dykcjũnorz godki ťlũnskij na bazie wikipedi.

Na efekty arbajcynio Ferajny dały sie pozũr tyź media. We wydaniu nr 12 na grudziyń 2012 *Ŧlũnskigo Cajtũngu* poradzi sie pocztać artikel pt.: „Poleku, ale do przodku”, we kerym awisorz pozytywnie godo ło niykerych efektach roboty Ferajny.

Po gýszýchta ze żywobycio Ferajny Łobyczynj „Szkryfka” nojlepi zaglũndać na nec zajta Ferajny: <http://szkryfka.eu/>.

Podpis

Dnia, 07.01.2013,  
Mikołów